

北史識小錄

北史識小錄卷十四

錢塘沈名蓀澗芳秀水朱昆田文盛原輯

錢唐張應昌補

補 魏書志

正始元年十二月壬子日有冠珥內黃外青占曰天

下喜

天象志

太祖初有兩彗星見劉后使占者占之

曰祈之則當歸定天下從之立祀 魏先居幽都鑿

石爲祖宗之廟於烏洛侯國西北自後南遷眞君中

遣中書侍郎李敞詣石室告祭天地以皇祖先妣配

帝嘗於白登廟將薦熟有神異焉太廟博士許鍾曰

陛下孝誠通於神明嘗於太祖廟有車騎聲從北門

入殷殷輜輳震動門闕執事者無不肅慄 文成皇

北史卷十四
帝遣詣華岳修廟立碑聞虛中稱萬歲云孫惠蔚
上言秦燔詩書漢氏拾綴遺篆淹中之經孔安所得
孝文皇帝元思洞微神心暢古大和平三年因大
儺之禮以耀兵步兵騎士南北二軍有飛龍騰蛇之
變爲函箱魚鱗四門之陳凡七十餘法乾象輦羽
葆員蓋華蟲金雞樹羽二十八宿天階雲罕山林雲
氣仙聖遊龍飛鳳皆圖焉皇太后皇后助祭郊廟乘
之大樓輦輶十二玉飾衡輪雕綵小樓輦八衡
輪色數同皆駕牛天子皇太后郊廟亦乘之遊觀
輦左右鳳皇白鹿仙人前卻飛行駕白馬朱鬣行幸
巡狩小祀乘之又有七寶旃檀刻鏤輦太祖制

三駕鹵簿一大。駕設五輅建太常屬車八十一乘。千乘萬騎魚麗雁行前驅皮軒闕戟芝蓋雲罕指南後殿豹尾鳴葭上下鼓吹軍戎大祠則設之二法。駕屬車三十六乘巡狩小祠則設之三小。駕屬車十二乘遊宴離宮則設之。以上禮志天興六年詔太樂增修雜

伎造五兵角觝麒麟鳳皇仙人長蛇白象白虎及諸畏獸魚龍辟邪鹿馬仙車高絙長趨緣幢跳丸百戲大饗設於殿庭。魏文明太后令樂非雅曲正聲不宜庭奏可除新聲不典之曲。六樂該深五聲妙遠。

祖瑩議曰樂以乘靈通化舞以象物昭功。化清

四。字。

以上樂志

天興初制定京邑東至代郡西及善無

南極陰館北盡參合爲畿內之田其外四方四維置
八部帥以監之勸課農耕量校收入以爲殿最先
是禁網疎闕民多逃隱天興中詔採諸漏戶令輸綸
綿自後諸逃戶占爲細繭羅穀者甚衆於是雜營戶
帥徧於天下不隸守宰賦役不周戶口錯亂始光三
年罷之以屬郡縣世祖時府藏盈積和平二年詔
中尙方作黃金合盤十二具徑二尺二寸鏤以白銀
鈿以玫瑰其銘曰九州致貢殊域來賓乃作茲器錯
用具珍鍛以紫金鏤以白銀範圍擬載吐耀含眞纖
文麗質若化若神皇王御之百福維新其年冬詔
出內庫綾錦布帛二十萬匹令百官分曹賂射顯

祖因民貧富爲租輸三等九品之制。世宗延昌三

年有司奏長安驪山有銀鑛二石得銀七兩恒州又

上言白登山有銀鑛八石得銀七兩錫三百餘斤詔

置銀官採鑄又漢中舊有金戶於漢水沙淘金其鑄

鐵以相州牽口冶爲工河北州鎮旣無新造五銖

舊錢復禁斷不得行專以單絲之縑疎縷之布狹幅

促度裂匹爲尺以濟有無徒成杼軸之勞不免饑寒

之苦太和及新鑄五銖內外全好者聽行雞眼鑛

鑿依律而禁尚書崔亮奏恆農郡銅青谷有銅鑛

一斗得銅五兩四銖葦池谷鑛一斗得五兩鸞帳山

鑛一斗得四兩河內郡王屋山鑛一斗得八兩南青

州苑燭山齊州商山竝是往昔銅官舊迹現在竝宜

開鑄從之

以上食貨志

昭成建國二年當死非大逆者

聽其家獻金馬以贖民相殺者聽與死家馬牛四十

九頭及送葬器物以平之

世祖時闕左懸登聞鼓

人有窮冤則撾之

按登聞鼓蓋始於南北朝會要云始於唐誤也南史亦見臧厥傳

顯祖除口誤開酒禁

孝文帝曰獄滯雖非治體

猶愈乎倉卒而濫也人幽苦則思善故囹圄與福堂

同居朕欲其改悔而加以輕恕耳

世宗永平元年

尚書等奏三訊五聽不以木石定獄宜盡聽訊之理

不聽非法拷人

以上刑罰志

太和八年河內沁縣澤自

然孝昌二年幽州遼縣地然

永安三年有赤氣從

顯陽殿階西南角斜屬步廊高一丈許連地如絳紗

幔

熙平二年并州表送祁縣民韓僧真女令姬從

母右脇生靈太后令付掖庭正始四年永平五年

青州步屈蟲害棗花

按步屈蟲卽尺蠖

天安元年兗州有

黑蟻與赤蟻鬪長六十步廣四寸赤蟻死黑主北赤

主南是年大破宋兵太和十年并州表建興獲澤

縣民賈日成養蠶有絲網成幕中有卷物似絹帶薄

上復得黃繭二如履形

太和元年有狐魅截人髮

熙平二年亦然靈太后召諸截髮者鞭之於千秋門

外延興元年徐州竹邑戍士邢德於彭城南得著

一株四十九枝下掘得大龜獻之太和三年齊州

獻五色狗。其五色如畫。登國六年上獵親獲鹿一
角。召問羣臣。皆曰鹿當二角。今一是諸國將并之應。
周武王時赤烏銜麥至。太昌元年六月初出
有大黃氣成抱。太和元年南郡尚書奏鄉郡民李
飛太原民王顯稱詣京南山採藥到遊越谷南嶺下
見清碧石柱數百枚或方尺二寸或方一尺方楞悉
就付作曹采用。尉元於彭城遣別將拒陳顯達有
戰士於營外五里見一白頭翁乘白馬將軍呼之語
某日汝將軍領衆從東北臨入我當驅賊令走必大
破後十日此人復見白頭翁呼謂曰我與東海四瀆
太山北岳神共行淮北助汝二將蕩除已定汝上下

喜否因忽然不見詔於見所爲壇表記之和平二

年河內人張超於壞樓所城北故佛圖處獲玉印以獻文曰富樂日昌永保無疆福祿日臻長享萬年

景明三年魯陽獻烏芝食之令人度世興和元年

濟陰濮水南岍有泉涌出色清味甘飲者愈疾以上靈徵

志道武帝制官號或取諸身或取諸物或以民事

皆擬遠古雲鳥之義諸曹走使謂之鳧鴨取飛之迅

疾以伺察者爲候官謂之曰鷺取其延頸遠望餘皆

類此咸有比况自太祖至高祖百官屢有減置或

事出當時不爲常目如萬騎飛鴻常忠直意將軍之

類是也以上官氏志漢張騫使大夏還傳其旁有身毒

氏志

國一名天竺始聞有浮屠之教哀帝時太月氏王使
伊存口授浮屠經明帝夢金人頂有白光飛行殿庭
訪羣臣傅毅以佛對遣蔡愔等使天竺與沙門攝摩
騰竺法蘭還洛陽中國有沙門及跪拜之法始此又
得經四十二章及釋迦立像令畫工圖佛像置清涼
臺上經緘於蘭臺石室愔之還也以白馬負經而至
因立白馬寺於洛陽浮屠正號曰佛陀佛陀與浮
圖聲相近皆西方言華云爲淨覺其經旨云有過去
當今未來歷三世識神不滅操練神明乃致無生而
得佛道在於習虛靜而成通照也修心依佛法僧
謂之三歸又有五戒去殺盜淫妄言飲酒云奉持則

生天人勝處。虧犯則墜鬼畜諸苦。善惡生處有六道。服其道者相與和居。治心修淨。行乞以自給。謂之沙門。或曰桑門。皆胡言也。僧譯爲和命衆。桑門爲息心。比丘爲行乞。其爲沙門者。初修十誡。曰沙彌而終於二百五十。則具足成大僧。心去貪忍。癡身除殺姪盜口斷妄雜。諸非正言。總謂之十善。具此謂之三業清淨。初階聖者有三種人。其根業各差。謂之三乘。聲聞乘緣覺乘大乘。取其可乘。運以至道爲名。初根人爲小乘。行四諦法。中根人爲中乘。受十二因緣。上根人爲大乘。則修六度。雖階三乘。要由修進。萬行拯度。億流乃登佛境。佛本號釋迦文。譯言能仁。謂

德充道備堪濟萬物也釋迦前有六佛釋迦繼六佛而成道處今賢劫言將來有彌勒佛繼釋迦降世釋迦於周莊王九年四月八日夜從母右脇生姿相超異者三十二種年三十成佛四十九載於拘尸那城娑羅雙樹間以二月十五日入般若槃涅槃譯云滅度或言常樂我淨明無遷謝苦累也諸佛法身有二種義一眞實身一權應身佛既謝世香木焚尸靈骨分碎大小如粒擊之不壞焚亦不焦或有光明謂之舍利奉置寶瓶竭香花建宮宇謂爲塔塔亦胡言猶宗廟也故世稱塔廟於後百年有王阿育以神力分佛舍利於諸鬼神造八萬四千塔布於世界同

日而就今洛陽彭城始臧臨渭皆有阿育王寺承其遺迹焉。釋迦所說教法後有聲聞弟子大迦葉阿難等五百人撰集著錄阿難親承囑授多聞總持撰三藏十二部經。後有羅漢菩薩相繼著論摩訶衍大小阿毗曇中論十二門論百法論成寶論等是也。

天竺沙門曇柯迦羅入洛宣譯戒律。中國戒律之始。魏明帝欲壞宮西佛圖。外國沙門乃金盤盛水置殿前。以佛舍利投於水。有五色光起。漢世沙門衣

赤布。後乃易以雜色。石勒宗信天竺沙門佛圖澄

號大和尚。沙門衛道安勸苻堅致西域胡沙門鳩

摩羅什。什亦承安令問。謂之東方聖人。二人所譯經

義符會如一 僧朗與其徒隱泰山之琨珞谷今號
朗公谷 天興元年於京城作五級佛圖耆闍崛山
及須彌山殿 太宗授趙郡沙門法果輔國宜城子
忠信侯安成公之號追贈老壽將軍趙胡靈公法果
言太祖卽是當今如來沙門宜應盡禮遂常致拜謂
人曰能宏道者人主也我非拜天子乃是禮佛耳
廣宗沙門曇證年百歲亦如老壽將軍號 鳩摩羅
什於長安草堂寺集義學八百人譯經 沙門法顯
慨律藏不具自長安遊天竺歷三十餘國隨有經律
之處學其書語譯而寫之至江南與天竺禪師跋陀
羅辨定之謂之僧祇律 沙門智嵩知涼州有兵役

欲往胡地道路絕糧弟子求得禽獸肉請嵩強食嵩
以戒自誓遂餓死焚尸舌色不變人以爲誦說功報
沙門惠始稱五十餘年末寢臥跣行履泥塵不汗
足愈鮮白世號白腳師世祖西伐至長安一寺閱
其財產大得釀酒具及州郡牧守富人所寄藏物以
萬計又爲窟室與貴室女淫亂帝忿誅沙門焚佛像
下詔曰西戎虛誕鬼道熾盛高宗詔有司爲石
像令如帝身旣成顏上足下各有黑石冥同帝體上
下黑子大和初有師子國胡沙門邪奢遺多浮隨
難提等五人奉佛像三到京都云備歷西域諸國見
佛影迹及肉髻外國咸遣工匠摹寫莫能及難提所

造者去十餘步視之。炳然轉近。轉微。沙門曇曜被命赴京。值帝出見於路。御馬前銜曜衣。時以爲馬識善人。曇曜奏平齊戶及諸民有能歲輸穀六十斛入僧曹者。卽爲僧祇戶。粟爲僧祇粟。儉歲賑給饑民。又請民犯重罪及官奴以爲佛圖戶。供諸寺掃洒兼營田輸粟。於是僧祇戶粟及寺戶徧於州鎮。高祖詔羅什法師可謂神出五才。志入四行者也。立監福曹。又改爲昭元。備官屬以斷僧務。沙門統惠深上言出家之人不應犯法。積八不淨物。依律車牛淫人不淨之物不得私畜。任城王澄奏曰。高祖定鼎嵩瀍。造物開符。垂之萬葉。學迹冲妙。非浮識所辨。